



Title	漢詩
Author(s)	秋月，胤繼
Citation	懷徳. 1936, 14, p. 78-78
Version Type	VoR
URL	https://hdl.handle.net/11094/88954
rights	
Note	

The University of Osaka Institutional Knowledge Archive : OUKA

<https://ir.library.osaka-u.ac.jp/>

The University of Osaka

漢詩

大日本國民歌

富嶽秀麗冠大東。八面玲瓏四望同。
山勢崢嶸中天聳。萬人齊仰嶽容崇。
東瀛有國大日本。陽光所照氣象雄。
超然特立四海表。萬邦齊欽國體隆。
維昔天孫降此土。神勅儼然紀聖功。
至今二千六百歲。正與天壤無所窮。
惟仁惟知又惟勇。三種神器神謨洪。
以之治民君元聖。以之事君民純忠。
義則君臣情父子。君民一體見國風。
君則愛下民敬上。上下感孚知德充。

秋月胤繼

感孚一體是國粹。一君萬民是國容。
國體精華於是在。國民精神於是鍾。
以_テ之_ヲ處_ニ治_ス又處_ニ亂_ス。以_テ之_ヲ內_ニ治_ス又外_ニ衝_ス。
或爲大織冠義劍。雄心烈烈誅姦兇。
或爲大楠公正氣。至誠純忠萬古宗。
曾殲蒙古十萬寇。又摧隣邦驕暴鋒。
征露大業功赫奕。至今萬國仰戰蹤。
國威桓桓無與比。國運隆隆皇化濃。
只恐大隄潰蟻穴。民心弛緩打吾胸。
嗚呼海東男兒須銘記。大日本與不二峯。